



KOMUNIKADO PA PRENSA

Fecha

27 di yüni 2015

Account Manager

Jhanirha Da Costa Gomez-Anita

Email

jhanirha.anita@gobiernu.cw

RESÚMEN ENKUANTO TRABOUNAN DI MANTENSHON DI E KAMINDA WEG NAAR WESTPUNT NA ALTURA DI TERA KÒRÁ

Willemstad – Servisio pa Obra Públiko (OW) ta informá komunidad, speshalmente e habitantenan de Tera Kòrá i Banda Bou, ku e trabounan di rekonstrukshon di e kaminda na altura di Tera Kòrá ta avansando.

E trabounan na e kaya aki a kuminsá den e siman di 23 di mart 2015 ku kibramentu di e kapa di asfalt i saka e fundeshi malu ku tabata tin. Despues a koba pa tira kabelnan di koriente i pipanan di awa.

Durante e trabounan aki, OW a enkontrá algun kontra tempu ku klep den e fundeshi ku a pone ku mester a adaptá e trabounan. Ta poniendo e pipanan pa pasa kabel bou di e kaminda pa evitá ku den futuro no mester kibra e kaya pa pasa kabel nobo.

Awor OW i e kontratista ta kla ku e trabounan bou di tera i por ripara ku a kuminsá ku ponementu di e bandnan di betòn na kantu di hinter e kaminda.

Na e momentunan aki OW i e kontratista tin 3 luna trahando duru i por bisa trabounan ta 4 siman dilanti di skema. Segun skema aktual e trabounan mester finalisá dia 9 di novèmber 2015.

Servisio pa Obra Públiko (OW) ta gradisí tur habitante i usuario di e karetera aki pa nan kompreshon i koperashon durante ehekushon di e trabounan aki. Esakinan sigur ta na benefisio di primariamente e habitantenan, usuarionan i pueblo en general.



KOMUNIKADO PA PRENSA

Fecha
27 di yüni 2015

Account Manager
Jhanirha Da Costa Gomez-Anita

Email
jhanirha.anita@gobiernu.cw

